



პრესს რელიზი № 09/359  
გავრცელდეს დაუყოვნებლივ  
10 ოქტომბერი, 2009

საერთაშ რისო სავალუტო ფონდი  
ვაშინგტონი, კოლუმბიის ოლქი, 0431 აშშ

**საერთაშორისო სავალუტო ფონდის აღმასრულებელ დირექტორთა განცხადება საქართველოში ვიზიტის დასრულებისას**

საერთაშორისო სავალუტო ფონდის აღმასრულებელ დირექტორთა მისიამ, რომლის შემადგენლობაშიც შედიან ქალბატონი მეგ ლუნდსგერი, ბატონები ალ ბაკერი, ჰი იანგხიონგი, ტომას მოსერი, კლაუს სტეინი, და იანს ჰენრიკსონი გააკეთა შემდეგი განცხადება საქართველოში მისიის დასრულებისას.

“ჩვენ მოხარულები ვართ, რომ მოგვეცა თქვენს ქვეყანაში ვიზიტით ყოფნის საშუალება და მადლობას ვუხდით ქართველ ხალხს, პრეზიდენტს მიხეილ სააკაშვილს, პრემიერ მინისტრს ნიკა გილაურს და ეკონომიკური გუნდის სხვა წევრებს სტუმართმოყვარეობისა და პროდუქტიული დისკუსიისთვის. ამ ვიზიტის ფარგლებში ჩვენ გექონდა შესაძლებლობა შევხვედროდით ხელისუფლების წარმომადგენლებს და ეკონომიკური პროცესების ფორმირებაში მონაწილე სხვა მხარეებს, საჯარო და კერძო სექტორის წარმომადგენლებს. ჩვენ განვიხილეთ ის გამოწვევები, რომელთა წინაშეც დგას საქართველო გასული წლის აგვისტოს შეიარაღებული კონფლიქტის და გლობალური ეკონომიკური კრიზისის ფონზე.

“საქართველოს ეკონომიკაზე ნეგატიური გავლენა იქონია კრიზისმა და კრიზისის ფინანსური და ეკონომიკური გავლენა 2010 წელსაც გავრძელდება. იმის გათვალისწინებით, რომ სამომავლო გამოწვევების განჭვრეტა ძნელია, კრიტიკულ მნიშვნელობას იღებს მთავრობის გადაწყვეტილება აწარმოოს მოქნილი გაცვლითი კურსის პოლიტიკა და გონივრული ფისკალური და მონეტარული პოლიტიკა.

“ჩვენ მხარს ვუჭერთ მთავრობის მიერ შემოთავაზებულ ფისკალურ სტიმულს, რომელიც მიმართულია კრიზისის ნეგატიური გავლენის გასანეიტრალებლად და მათ გადაწყვეტილებას, რომ ფისკალური კორექტირება 2010 წლიდან დაიწყოს, რაც გამოიხატება ბიუჯეტის დეფიციტის შემცირებით ისეთ დონემდე, რომელის დაფინანსებაც უფრო ადვილად იქნება შესაძლებელი. ჩვენ ვიწონებთ იმ ნაბიჯებს, რომლებიც მიმართულია ფისკალური პოლიტიკის გამკაცრებისკენ საჯარო ხარჯების მონიტორინგის, დაგეგმვის, ხარჯვის და აუდიტის კუთხით.

“გაცვლითი კურსის პოლიტიკის მხრივ, ჩვენ ვიწონებთ ხელისუფლების წარმატებულ ნაბიჯს: უცხოური ვალუტის ყოველდღიური სავაჭრო სესიების სავალუტო აუქციონებით ჩანაცვლებას. ამ ნაბიჯით იქმნება საფუძველი გაცვლითი კურსის მეტი მოქნილობისთვის ბაზარზე შექმნილი ვითარების საპასუხოდ.

“მონეტარული პოლიტიკის კუთხით, ჩვენ მხარს ვუჭერთ ხელისუფლების გადაწყვეტილებას მონეტარული პოლიტიკის შერბილების შესახებ ეკონომიკური განვითარების ხელშესაწყობად, თუმცა აქვს უნდა ვადიაროთ, რომ ტრადიციულ ეკონომიკურ ინსტრუმენტებს არსებულ ვითარებაში მხოლოდ შეზღუდული გავლენის მოხდენა შეუძლია.

“საქართველოს საბანკო სექტორმა გაუძლო აქამდე შექმნილ გამოწვევებს, თუმცა, ისევე როგორც ყველგან სხვაგან, ბანკების წინაშე არსებული რისკების მატების ფონზე აუცილებელია ბანკების გულდასმითი მონიტორინგი და კრიზისთან გასამკლავებელი ღონისძიებების წინასწარი მომზადება.

“ჩვენ ვიდასტურებთ სსფ-ს მზადყოფნას გავავრძელოთ შესანიშნავი ურთიერთობები თქვენს ქვეყანასთან და საქართველოს ხელისუფლების მხარდაჭერა.